

乾隆四十五年^{庚子}四月初三日^辛晴

行都承旨鄭一祥 坐

汪書鄭東浚 仕

左承旨李亨達 坐直

金載瓚 仕直

右承旨徐有防 坐

事慶假汪書

左副承旨朴祐源 坐直

趙興鎮 仕

右副承旨金魯淳 坐

同副承旨沈豐之 坐

上在昌德宮停常叅 經筵○自昧爽至卯時有霧氣未時日暈夜三更三更坤方有氣如火光五更流星出河鼓星下入西方天際狀如拳尾長三四尺許色白○徐有防啓曰明日常叅經筵取稟傳曰傳○傳于朴祐源曰軍士房承旨入侍○朴祐源啓曰禁衛兩營從事官來言今日本營本廳軍兵日次私田云矣敢啓傳曰知道○傳于鄭一祥曰奉審承旨入侍○傳于徐有防曰禮房承旨入侍○傳于朴祐源曰坐直承旨入侍○以備忘記傳于徐有防曰觀此萊伯狀啓甚為精詳新到之初銳意奉公可知殊極嘉乃嗣後莫或怠忽事面諭至於濟州子弟之漂泊異洋得以生還可謂奇矣而尚令拘囚豈無忍歸之情許多人物之免死已不